

Ni hábat er in thía redina ni si ékord einlif thégana:
 ih meg iz bálðo sprechan, ther zuélfsto uwas gisuíchan.
 Ni stúant thiu maht thes uuíges in ménigi thes héries:
 60 iz uwas ál in rihti in sínes einen kréfti.
 Er quam so risi hera in lánt ioh kréftiger gígant,
 in éinuugi er nan stréuuita, ther richi sinaz dárota,
 Then fúriston therera uuórolti nótagan gihóloti,
 in bánt inan gilégiti, er fúrdir uns ni dériti.

28. XIII. Petrum dixit negaturum.

Zi sineru spráchu druhtin fiang, so Iúdas thanan úzgigiang,
 thes náhtes er in zálta reda mánagfalta.
 'Giuisso', quad er, 'uuízit nú, kindilin mínu,
 theih bín mit iu in unára lúzila uuila,
 5 So súachet ir mih héizo ioh harto ágaleizo:
 ni hlíft iuih thiu fla thanne in thía uuila.
 Ih lazu, ságen ih íu tház, gibót alaníuuaz:
 ir iuih mínnot untar íu, so ih iz blíðta fora iu,
 Thaz mánnilih irkénne in themo mínnonne,
 10 ioh ellu uuórolt ouh in thíu, mih méistar habetut zi thíu.
 Súntar gruazt er ouh in uuár Pétrum sinan thégan thar,
 sprah ímo thero uuórto in múat tho filu hártó:
 'Símon, hóg es ubarál thés ih thír nu ságen scal,
 ioh harto thénki tharazúa, thaz muat in fiara ni dua:
 15 Gérota iuer hártó selb thér uuíðaruerto,
 thaz múasi er rédan iu thaz múat, só man korn in síbe duat.
 Iz uwas hártó égíslíh: tho betota ih sélbo bi thíh,
 in gilóubu ni giuuángtis ioh múates thih gihártis.
 Uuis ouh dróst séres, sár thu thih bikéres,
 20 brúadoron thínen, thaz scádon sie firmíden.
 Er sprah bálðlíchó ioh harto théganlíchó,
 quad, ío gihárteti mit ímo in theru nóti.
 'Mit thír bín garo, drúhtin, mit múate ioh mit máhtin
 in kárkari zi fáranne ioh tóthes ouh zi kóronne;
 25 Gisuíchen sie thír álle, nub íh ío thíz uuolle,
 nub íh giuuéizez ubarál, so man méistere scal.
 Ni sí thír in githánke, thaz íh thír ío giuúénke,
 drúhtin mín líobo: thes dúan ih thíh gilóubo.
 Tho zálta Krist thía hérti, theiz álles uuio uuúrti,
 30 bálði sínes múates ioh éllenes gúates:
 'Pétrus, zellu íh thír tház, thaz uuíg thaz ist so hébigaz,
 thaz thú gilougnis hártó noh hínaht thero uuórto,
 Tház thu quis zi lézist, thaz thú mih sar ni uuízist,
 íoh suéris filu héizo, ni sís thero ginózo.

57 habat 61 quam so risi 28, 3 Giuisso nu 4 uuila 7 láz iu íu 8 iu
 fóra 11 ouh 12 ímo 13 Símon 14 hártó tharazúa 15 ther 16 muasi muat so
 17 égíslíh thíh 19 Uuis ouh dróst 20 scádo 21 Er 26 íh 28 druhtin mín líobo
 29 uuúrti 31 Petrus zéllu 32 thu gilougnis hartó 33^a Thaz thú.